

畿

輔

安

瀾

志

畿輔安瀾志

衛河卷一

原委

衛河卷二

原委

衛河卷三

故道

衛河卷四

故道

衛河卷五

隄防

衛河卷六

橋渡

衛河卷七

脩治

衛河卷八

官司

祠廟

水利

畿輔安瀾志

衛河卷一

原委

衛河古清淇一水所導也漢爲白溝亦曰宿胥瀆隋
爲永濟渠宋元曰御河明曰衛河

魏志建安九年遏淇水入白溝以通糧道 永經
注清水篇謂之清河卽淇河口也蓋河徙南注清

水瀆後曹公開白溝遏水北注方復故瀆矣又淇
水篇淇水右合宿胥故瀆瀆受河於頓邱縣邈害
亭東黎山西北會淇水處立石堰遏水今更東北
注魏武開白溝因宿胥故瀆而加其功也淇水又
東北流謂之白溝 隋書帝紀大業四年春開永
濟渠引沁水南達於河北通涿郡 元和郡縣志
白溝水隋導爲永濟渠亦名御河 明史河渠志
御河謂之白溝亦曰宿胥瀆宋元時名曰御河所

謂衛漕也其河流濁勢盛運道得之無淺澁虞
謹案宿胥古瀆卽宿胥口頓邱故城在濬縣西遮
害亭在縣西南五十里黎山在縣東南二里古黃
河至宿胥屈而北流宿胥口卽舊河口也河徙後
魏自此開濬引河水分濬以通漕名白溝因全河
東注故瀆淤塞已久分流勢弱故遏淇水入此東
北又引漳水注之魏志建安十八年鑿渠引漳水
入白溝以通河水水經注淇水篇白溝又東北漳

水注之謂之利漕口濁漳篇魏太祖鑿渠引漳水
東入清洹以通河漕名曰利漕渠是也時魏建國
於鄴由河入白溝至鄴清淇蕩洹漳之水皆以資
白溝濟漕運然則淇水未會宿胥故瀆其上固不
名白溝矣大業雜記開永濟渠引汾水入河誤沁
爲汾其曰入河亦非也蓋是時沁水自武陟至汲
合清淇之水入白溝隋書專舉沁爲言猶魏志專
言淇耳其曰南達於河則白溝故道也元和志於

永濟縣云大厯七年田承嗣奏於張橋行市置西
並永濟渠故以爲初名永濟渠在縣西郭內南自
汲郡引清淇二水入白溝穿此渠入臨清由是言
之白溝首起宿胥口尾歸漢時清河永濟渠則上
承白溝導而北開鑿更遠自隋至元通稱御河考
其實白溝永濟渠御河之名皆不可上被之清淇
且以南達於河爲渠首與今之潮源衛地遂以衛
河表自有別此水勢流移前後不盡同之大致也

又隋書大業七年自江都御龍舟入通濟渠遂幸
於涿郡開通濟渠在河之南開於大業元年自西
苑引穀洛水達於河自板渚引河通於淮永濟渠
在河之北由通濟入河由河入永濟乃得至涿而
杜佑通典於魏縣云有白溝水煬帝引通濟渠亦
名御河唐去隋不遠疑必有據然通濟永濟自是
二渠文獻通考方輿紀要明史藝文皆仍襲之以永
濟爲通濟渠非也

其源導自河南輝縣城北蘇門山之百泉衆源所匯
亦謂之北門陂亦曰百門泉亦謂之拗刀泉距城西
北門五里

水經注清水篇重門城在共縣故城西北二十里
城南有安陽陂次東又得章水陂次東有北門陂
陂方五百步在共縣故城西卽共和之故國也山
在國北所謂共北山者也其水三川南合謂之清
川又南逕凡城東周凡伯國杜預曰汲鄆共縣東

南有凡城今在西南 魏書地形志共縣有凡城
柏門山柏門水南流名太清水 元和郡縣志共
城縣百門陂在縣西北五里方五百許步百姓引
以溉稻田此米明白香潔異於他稻魏齊以來常
以薦御衛縣蘇門山在縣西北八十一里 太平
寰宇紀衛縣蘇門山一名蘇嶺 宋史河渠志御
河源出衛州共城縣百門泉 金史地理志衛州
蘇門有白鹿山天門山淇山百門陂 方輿紀要

蘇門山縣西北七里一名百門山有百門泉泉通
百道衛風所詠泉源在左者也或謂之百泉衛水
在縣城北源出蘇門山謂之捌刀泉宋志衛河源
出百門泉是也 明史河渠志衛河源出河南輝
縣蘇門山百門泉 潘季馴河防一覽衛水發源
河南輝縣蘇門山名曰捌刀泉在縣西北五里
傅澤洪行水金鑑康熙二十九年總河王新命奏
輝縣捌刀泉在縣西北五里蘇門山下清水一泓

約二十餘畝泉珠上湧難以數計卽詩所謂苾彼泉水也

謹案衛河金屬濬州蘇門縣屬衛州金史地理志衛縣有蘇門山蘇門縣有百門陂蘇門本共城後又爲輝州治明改曰輝縣蓋共城衛縣接境百門泉卽在蘇門山麓今皆屬輝縣諸書或稱輝縣西北五里者指泉言也或稱西北七里者指山言也水經注但有北門陂無百門泉及百泉魏書作

門水諸志或云百門陂或云百門泉其實一也或據水經注北門而以百爲北之訛又誤百爲栢看河紀程云從輝縣泉關北行五里至梅村過此卽百門泉泉出蘇門山下泉通百道故名一名衛源雖以百門爲名然實踰千萬不可勝數自山麓平地遍湧石竇中仰出蟻壘如珠漚爲巨陂方廣數頃然則以其在北故謂之北門以其出泉之多故謂之百泉指其源則謂之泉指其所漚則謂之陂

北門不必定爲百門之訛惟栢門於義無取當是
誤加木耳左傳定公十四年晉人敗鄭師及范氏
之師於百泉或疑百泉爲用師之地乃地名非陂
泉之名太泥旣名百泉自是因泉而名猶云敗之
於百泉之上若公劉之詩所云逝彼百泉則泛言
衆水非以名地耳捌刀泉諸志以爲卽百門泉或
以爲卽卓水泉據水經注安陽陂卓水陂北門陂
並列百門陂卽爲北門陂則卓水陂非卽捌刀泉

也詳見後

南流枝津石出爲三渡河則有蓮花泉入之

宋史河渠志熙寧六年程昉言得共城縣舊河漕
若疏入三渡河可溉西洸稻田從之 看河紀程

縣西卽百泉渡三縣西四里百泉之支蓮花泉縣
西五里突出於地一曰小百泉世傳晉水伏流至
此東南入衛 河防志三渡河源出百泉之南流
入衛河 一統志三渡河引百泉水南至雲門鎮

旣田

謹案鎮在縣南十五里

雙溪橋在輝縣西北百泉水至

是分流二橋相連

謹案三渡河在衛河之西筠溪之東宋史所謂舊河槽不知何指方輿紀要以爲舊黃河恐非考黃河故瀆古未有至輝縣境者惟蓮花泉之引流在筠溪東三渡河西或卽宋史之舊河槽歟

又南流入新鄉縣之合河鎮

在縣西北有侯家橋西合河尖皆在鎮內

北則有卓水陂於輝縣城西十里東南流注之

魏書地形志其縣有卓水陂 看河紀程卓水源
在輝縣城西十里平地湧出經雲門流新鄉縣合
河鎮西北入衛 二統志卓水泉平地湧出潞紆
數畝亦名筠溪西二里有萬泉俱南入衛 河防
志輝縣所管衛河自百門泉起至新鄉縣界止長
二十五里二百四十八步河寬三四五丈深四五
尺不等舊有民建閘五座曰仁義禮智信

謹案水經注安陽陂在重門城內次東則卓水陂

與北門陂並列爲三又云其水三川南合而地形
志其縣但列卓水陂栢門泉無安陽陂後代史志
更不復詳安陽卓水二陂源流今所謂萬泉者在
卓水泉之西疑卽安陽陂也

西則清水小丹水合流注之

太平寰宇記清水在新鄉縣北十里西自懷州獲
嘉縣流入與淇水合東入白溝 方輿紀要衛河
在新鄉城北或謂之清河又清水出懷慶府修武

縣西北經獲嘉縣北六里又東至新鄉縣侯家橋而入於衛河 一統志清水自山陽鎮東南入獲嘉縣北界分爲二一東流至合河村入衛一西流入三橋陂復逆流入清水名泥河又小丹河一曰蔣河 看河記程預河卽小丹河由修武縣南門外東流至獲嘉入衛河泗運水淺則藉以濟運小丹河名爲九道堰實從丹河支分第一條沿山麓東行淺隘如溝常因水發淤墊衛河水勢屈曲至

合河鎮凡三十里此衛水合小丹處清河源出輝
縣西南七十里山陽鎮東南經獲嘉縣界至新鄉
合河鎮正西與衛合今自獲嘉境內卽會於小丹
河此河止存故道每逢雨集太行萬壑之水匯焉
衛水溢山邑西北苦之案改丹入衛議曰丹河源
出山西穿太行屹坦坡南注而下中間分散十有
八道小溝渠民間引爲灌田總流南逕張店至劉
村入沁水首尾三十餘里與衛水相通者係上下

溝渠內東流第一道由清化鎮南有金鎗狗跑等泉相聚迤邐而東經修武治南北轉城東門外又東名蔣河至新鄉縣西北合河鎮相沿凡百餘里名爲丹之支流而實非丹水矣若將丹水由張店改折而東過狗跑泉達衛則丹至張店地勢傾下入沁甚易勢不能挽若從東流第二道小澗渠決之入衛則丹正向山嶺而下奔潰傾跌橫截不住何由東流議者欲引丹入衛殺沁一二耳而增衛

害十倍奚爲可哉 河防志自大丹河石斗門分
流爲小丹河經河內武陟脩武獲嘉至新鄉縣岔
河尖入衛長一百九十二里新鄉縣衛河自輝縣
界堧村營至汲縣界曲里村計九十二里深至一
丈七八尺康熙二十九年河臣王新命議丹河口
分渠九道大丹一河直歸懷慶沁河其六渠民間
引水灌溉惟小丹河上秦河二渠入衛應於每歲
三月初用竹絡裝石橫塞八河渠使水歸小丹河

肯允行

入衛以濟漕餘水資以灌田至五月盡則開八河
渠用竹絡裝石塞小丹河口以防山水漫溢其小
丹河經修武獲嘉以達合河鎮之處若有淺阻令
河官量爲疏濬奉

謹案水經清水出河內修武縣之北黑山

隋改修武曰獲

嘉即今酈道元注云黑山在縣北白鹿山東

白鹿山在

酈縣西五十里清水所出也上承諸陂散泉積以成川南

流屈山瀑布垂崖懸河注壑二十餘丈其水厯澗

流飛清洞觀謂之清水矣溪曰瑤溪又曰瑤澗又

南與小瑤水合又東南流吳澤陂水注之又東周

新樂城

即今新樂縣治

此水所行在山陽鎮之東北後代

地志不復詳其川流今導源山陽鎮之清水實古

之重泉水水經注云長泉水源出白鹿山東南伏

流逕一十三里重源濬發於鄧城西北

城在輝縣西南六十

餘里世亦謂之重泉水也又逕七賢祠東

明統志七賢堂在輝

縣西南七十里山陽鎮廟南又有一泉東南流注於長泉水

明統志云七賢泉在鄧縣山陽西元卽此郭緣生述征記所云白鹿山

東南二十五里有稽公故居以居時有遺竹焉蓋謂此也其水又南逕鄧城東名之爲鄧瀆又謂之

白屋水司馬懿征公孫淵還達白屋卽此東南流

逕瀆城北

城在瀆嘉縣西北

又東南歷澤注於陂泉水東

流謂之八光溝而東流注於清水謂之長清河道元所稱鄧城西北卽山陽鎮也然近志言清水自

山陽鎮東南流入獲嘉縣北界分爲二一東流至

合河村入衛一西流入三橋陂

卽吳澤陂

復逆流入清

水水經注於重泉山不言有二流蓋經後人疏導

不盡與古同明管河同知張崇謙查沁河上源牒

稱修武縣西北有清水河一道經流獲嘉縣北六

里直至新鄉縣西北侯家橋入衛河考其地似唐

大中間杜令所開之新河自陸真山下

在修武縣北二十五

里

合皇母泉水南流入吳澤陂者明孝宗時曾經

修濬水經注云山陽縣故城

在修武縣西北三十五里東北二

十五里有陸真阜南有皇母馬鳴二泉東南合注

於吳陂次陸真阜之東北得覆釜堆

在修武縣北南有

三泉相去四五里參差次合南注於陂唐杜令蓋

因故瀆而濬之清河之名隨地著稱作志者不察

其方所往往彼此混淆今所謂小丹河者上承丹

水於河內縣東北由清化鎮南

鎮在河內縣東北四十里東逕

修武縣城南屈北逕城東又東至獲嘉縣西北合

於清水卽古之長明溝水也水經沁水篇云丹水

出上黨高都縣故城東北阜下

城在鳳臺縣東北

俗謂之

源源水山海經曰沁水之東有林焉名曰丹林丹

水出焉卽斯水矣丹水自源東北流又屈而東注

左曾絕水上黨記曰長門城在郡南山中

城在高平縣西

北二丹水出長平北山南流秦坑趙衆流血丹川

由是俗名爲丹水斯爲不經矣丹水又東南流注

於丹谷

在鳳臺縣東南太行山麓

又逕二石人北

石人山在鳳臺縣東南八

里又東南厯西巖下又南白水注之又東南出山

經鄴城

城在河內縣北竹書紀年作葵城後漢書郡國志譌作蔡城

又南屈而

西轉光溝水出焉丹水又西經苑鄉城北

城在河內縣北

俗呼碗子城

南屈東轉逕其城南東南流注於沁謂之

丹口光溝水首受丹水東南流界溝水出焉水上

承光溝東南流長明溝水出焉白馬溝水首受白

馬湖湖一名朱管陂陂上承長明溝湖水東南流

逕金亭西

有南北二金城俱在河內縣東北四十里魏書地形志州縣有金城卽此分

為二水一水東出為蔡溝清水篇叙長明溝云上

承河內野王縣東北界溝分枝津為長明溝隋改野王

曰河內今東逕雍城南城在河內寒泉水注之懷慶府治

水出雍城西北泉流南注逕雍城西又東南注長

明溝溝水又東逕射犬城北城在河內東入石澗縣東北

東流蔡溝水入焉水上承州縣北白馬溝東分為

蔡溝州縣故城在河內東會長明溝水又東逕修縣東南四十里

武縣之吳亭北魏書地形志南修武有吳東入吳地即此今在獲嘉縣西

陂修武縣舊志云小丹河舊在縣南五里明嘉靖
間改流縣北爲三里河萬曆十五年復導經縣南
附城而東逕獲嘉縣入衛考之明一統志預河在
修武縣南五里積潦而成流入衛河蓋是時上源
未與丹水枝渠通但由積潦成河故無小丹之目
明實錄萬曆四十八年工部覆巡漕御史毛一鷺
所陳小丹河自清化鎮起至台河鎮止泉流由以
濟運議欲疏濬深濶則至是已名爲小丹矣

又有峪河合大門山諸泉亦自獲嘉縣流入之

看河紀程峪河在輝縣西南五十里源發太行山

麓

謹案峪亦或作預非也預河行清水之西丹峪之東峪河行清水之東卓水之西中隔清水不當混二川爲一水經注又云丁公泉發於焦泉之右次東得焦泉泉發於天門之左南流成溪次東得魚鮑泉次東得張陂泉次東得三洲泉稷河參瀋女

宿相屬是四川在重門城西並單川南注也一統志於天門山云在輝縣西北五十里亦名石門山明李濂記兩山壁立相距下有三潭於三仙潭云在輝縣西五十里石門山中縣志水自山西陵川縣經平田河初匯爲一潭曰黑龍稍奔注巨壑復爲巨潭曰白龍又南流四五里至峪河口鍾一小潭名曰二女於平田水云在陵川縣東南九十里源出孤峯山下流入河南衛輝府輝縣界注衛水

於丁公泉云在輝縣西五十里縣志丁公泉東過
蘭橋入衛又東爲焦泉又東爲金沙銀沙二泉交
匯爲池奔流里許伏流入地據一統志及所引縣
志今天門山之泉源淵潭與水經注不遠而不詳
其川流看河紀程記輝縣諸泉流出所逕則云卓
水縣西八里峪河縣西南五十里清水縣西南七
十里蓋峪河實天門山諸泉所滙流在清水東者
又東流逕汲縣城北卽衛輝府治也右得沁水決入

故津

詳故道卷

方輿紀要衛河在汲縣城北一里 看河紀程稍
行而東經新鄉縣北門民樂橋歷河透曲里二村
凡六十五里自此東流經衛輝府北門一里從衛
輝城出西門過大石橋卽衛河也水不甚流遶城
北會淇水 河防志汲縣所管衛河自新鄉縣界
曲里村起至濬縣界雙鵝頭止計一百四十五里
河寬至六七丈深一丈五六尺不等 永部備考

沁水一支自武陟小原村東北由紅荆口經衛輝府凡六十里入衛河昔隋煬帝引沁水北通涿郡蓋卽此地

又東流入濬縣界則淇水自林縣西南流注之卽宿胥瀆也其西岸爲淇縣

明史河渠志衛河經新鄉汲縣而東至畿南濬縣界淇水入焉謂之白溝亦曰宿胥瀆 方輿紀要衛河在濬縣城西自汲縣境流入縣至黎陽故城

西又東經城西北流經縣西北三里曰王橋渡至

縣北二十五里曰屯子渡又北十五里曰老鴉嘴

渡

晉案河防志
作老鴉嘴

入內黃縣界寰宇記衛河淇水合

流亦曰黎水亦曰濬水

謹案寰宇記
今無此文

又謂之白溝

魏武遏淇水東入白溝蓋昔時淇水南入河堰之

使東入衛以通漕也志云縣西南十里有外郎河

或謂之黎水蓋卽衛河故渠也四瀝長豐泊又西

北歷善化山復西北會於漳水金時濬州守以州

城象舟乃自外郎河引流東北出取舟在水中之
義今河經流於此衛縣城在縣西五十里古朝歌
也又同山亦曰童山高處如龍脊曰龍脊岡左有
山曰白祀淇水所經多溢爲陂西麓又有小溪名
波羅河夾山南流至龍口渚伏流地中潦溢則會
於長豐泊長豐泊卽二陂水所匯也自大河南徙
二陂漸湮泊亦淺涸淇水在縣西南六十里白淇
縣境入流縣界漢書地理志淇水東至黎陽入河

謂之淇口賈讓治河議從淇口以東爲石隄多張
水門是也亦謂之清水後漢初平二年袁紹屯朝
歌清水口九州春秋曰淇水口也蓋卽淇水合衛
之處矣宿胥瀆亦在縣西南 川瀆異同衛水小
水也後漢建安九年曹操於淇水口下大枋木遏
淇水是時淇水入河故操遏使東北流以便漕運
衛河乃附淇水而東隋大業四年又引白溝爲永
濟渠亦曰御河自是衛河專有御河之名而淇水

之名反掩 看河紀程進湯陰縣北門出東門北
行到皮家莊見衛河一道從西來問土人云有四
十八里長雨水所積從山邊起二十里到屯頭卽
衛河馬頭行二十五里到濬縣西門過橋橋頗大
衛河自淇門入界受淇水經縣北又東受洹漳二
水波羅河在同山西白祀同山二陂在城西三十
里亭子陂在城西一里長豐泊在縣西二十里卽
白祀童山二陂所匯疏鑿成渠南起交御村北抵

屯子鎮工程九十餘里白龍潭黑龍潭在縣西南
四十里一在大隄之西一在大屯東南四時不竭
井固潭在井固村其源不測東北人衛檻泉在善
化山下共七十有二泉近日湮塞過冬荆家砦張
家窪王楓園石橋頭東陽澗西陽澗大屯之大泉
小泉則最著者黎水今湮沒無考 河防志濬縣
州管衛河自汲縣界雙鵝頭起至滑縣界伍隆固
止計一百七十五里內有石岡一道自屯子鎮至

老鸛嘴十八里綿亘河底水稍落則爲重艘礙河
寬至十四五丈深一丈七八尺不等淇縣所管衛
河在汲縣之北岸自西沿村起至薛村口止計長
二十五里河寬至十三四丈深至兩丈一二尺不
等淇河北自林縣卽衛詩所云淇澳是也發源淇
縣南臨淇集至合河口漸河自西來注之至淇縣
薛村口又四十里共長一百二十里河寬至二十
二三丈深至一丈二三尺

謹案小谷口蒼叢畿輔通志大名府衛河在魏縣
東南經清淵達直沽水清渠深不爲害又云御河
卽白溝水隋炀帝引洹水爲遊覽之所故名今不
見亦并於衛河然土人猶曰御河云河南通志衛
河東入大名府濬縣界畿志云在魏縣東南豫志
又云入濬縣界魏濬本不接壤何言之互異若此
今考河南通志所云則衛河之上流也畿輔通志
所云則衛河之下尾也水流逕迥其言未始乖異至

畿輔通志所云御河今不見亦并於衛河則以近時洹水無聞故云耳然御河卽衛河二河相異之說誠爲未協矣

又有陽河之水會馬溝水美溝水流合焉

太平寰宇記陽河水在衛縣西北卽紂斲朝涉之脰處也 方輿紀要陽河在淇縣西南三里一名太和泉自輝縣東流經縣界東入衛河亦名斲脰河 二統志泉源水在淇縣南亦名陽河卽古肥

泉也縣志斡脛河源出縣西北三里東南流逕縣南五里又東南過縣東南二十里入衛 看河紀程斡脛河源出淇縣西北五里東南流入衛河一名太和泉又名陽河 河防志斡脛河北自太和泉流至西沿村入衛自太和泉起至西沿村長三十里河寬一丈五六尺深五六尺

謹案諸志則太和泉源泉肥泉陽河斡脛河乃一水而異名也水經注太和泉源水水有二源一水

出朝歌城西北東南

東南字當連下老人爲句言水之東南有老人欲渡至西

北也或於東南下添流字非又或作一出東南亦非老人晨將渡水而沉吟

難濟紂問其故左右曰老者髓不實故晨寒也紂

乃於此斷而視髓也其水南流東屈逕朝歌城南

又東與左水合謂之馬溝水

今名思德河名勝志云源出武公廟前

水出朝歌城北東流南屈至其城東又東流與美

溝合水出朝歌西北大嶺下更出逕駱駝谷於中

逶迤九十曲故俗有美溝之目矣歷十二嶂嶂流

相仍泉響不斷其水東逕朝歌城北又東南流注

馬溝水

淇縣舊志小石河源出縣西北三十里東流與思德河合卽此

又東南注

淇水爲肥泉也故毛詩曰我思肥泉茲之永歎傳

物志謂之澳水然斯水卽詩所謂源與之水也故

衛詩云泉源在左淇水在右朱謀瑋箋註泉源水

下云此下自水有二源至更相通注河清止九百

一十五字與本誤入十三卷濕水注中今移接於

此於濕水篇云石也殿之東北至蓋天九百一十

三字諸本錯入九卷淇水注中則是淇水篇太和字乃濕水篇中叙魏太和十六年造太極殿事太和二字水經改正刪去遂誤爲太和泉源水讀者不察乃分裂源泉二字以泉字屬上爲太和泉以源字屬下爲源水矣考元和志寰宇記俱無太和泉之稱蓋水經注尚無譌竊也又陽河泉源水諸志或以爲淇縣南或以爲淇縣西南則斡脰河亦當在西南一統志又以斡脰河爲源出淇縣西北

則斡脛河爲陽河泉源之上源矣而看河紀程河防志則又似陽河爲斡脛河之上源其實一水異名太和旣屬誤稱而斡脛之名特因事而起亦無定處可指或指其上流或指其下流以致滋惑耳

又案禹貢錐指漢志河內郡其北山淇水所出東至黎陽入河降慮慮水東北至信成入張中河過郡三行千八百四十里魏郡清河水出內黃南水經隆慮所出之淇水卽國水宿胥故瀆乃禹河

之所行國水自西來注之勢不得東出內黃縣南
爲清河蓋禹河下流漸淤而爲此川猶漢屯氏河
之類及周定王時宿胥口塞大河之水不至國水
循宿胥故瀆東北逕內黃縣南爲清河漢志所謂
東北至信成入張甲河行千八百四十里者也後
故瀆又塞清河隨淇水至黎陽入河故淇水口亦
名清河口及曹公堰淇口因宿胥故瀆而加其功
使東北流爲白溝是爲復故道也蘇秦說趙曰東

有清河說齊曰西有清河清河之來已久疑春秋
前已有之竊嘗以鴻溝爲禹河致塞之由今清河
又分河於此間則下流緩弱不能刷淤沙鄴東河
道之塞未必不由此也雖指以國策證清河是也
但以淇水卽國水則漢志明分兩水不可混也國
水固大水與淇水相等然古今變遷不一昔有今
無何可勝道闕疑可耳又泉源水在淇縣西南清
水又在其西淇水則在淇縣東水經注源泉水本

入淇今清水於淇水之西先合泉源水流十五里
乃與淇會蓋後代改流也

又東北流逕滑縣界又東北流逕內黃縣北湯陰縣
西則有蕩水受羨水防水長沙溝永通河洹水受黃
水羣泉水雙泉陵陽河合流注之

漢書地理志魏郡內黃清河水在南（水經又東
過內黃縣南爲白溝屈從縣東北與洹水合酈注
白溝又北左合陽水又東北流逕內黃縣故城南

縣右對黃澤自縣北逕戲陽城東又北逕高城亭
東又洹水從西南來注之又北逕問亭東卽魏界
也左與新河合洹水支流也 又蕩水出河內蕩

陰縣西山東又東北至內黃縣入於黃澤酈注蕩

水出縣西石尙山

酈案卽牟山

東流逕共縣故城南美

水出蕩陰西北韓大牛泉地理志縣之西山美水

所出也美水又東逕韓附壁北又東流逕美城北

酈案城在縣北七里

故美里也美城北水積成淵方一十餘

步深一丈餘東至內黃與防水會水出西山馬頭

澗東逕防城北

譚案卽防陵城在安陽縣南十五里

其水東南流注

於羨水又東歷黃澤入蕩水地理志曰羨水至內

黃入蕩者也蕩水又東與長沙溝水合其水導源

里山北谷

謹案在湯陰縣西南三十五里

東流逕晉鄙故壘北

譚案

卽魏武故城在縣南三十里

淇水又東謂之宜師溝又東逕蕩

陰縣南又東逕枉入山東北至內黃澤右入蕩水

亦謂之黃雀溝又逕內黃城南東注白溝又逕

水出上黨泫氏縣

謹案一後魏改曰元氏齊省元氏移高平治

酈注水

出洹山山在長子縣也

謹案長子故城在今縣治西南隆慮山

謹案

山在林縣西北二十五里縣因山以取名應劭曰殤帝曰隆故

改從林也縣有黃水出於神困之山黃華谷北崖

山高十七里水出木門帶帶卽山之第三級也去

地七里縣水東南注壑直瀉巖下狀若雞翹故謂

之雞翹洪東流至谷口潛入地下東北一十里復

出名柳渚渚周四五里東流羣泉水注之出林慮

川北澤中東南流與雙泉合水出晉般門

謹案一名靈巖

水魯般門在林縣西北二十里南去黃華谷二十里下流入葦泉水葦泉

水又東南流注黃水謂之陵陽水

謹案魏書地形志林慮有陵陽

河自

又東入於洹水洹水出山東逕殷墟北

謹案鄭南

殷墟在彰德府城北武丁自此徙都亳

又東枝津出焉東北流逕鄴

城南謂之新河又東分爲二水洹水自鄴

謹案卽今鄴鎮

在臨漳縣西南四十里

東逕安陽縣故城北

謹案城在今縣南又東

逕長樂縣南

謹案城在彰德府城東四十里

逕內黃縣北東流注

於白溝 元和郡縣志內黃縣永濟渠名本白渠
隋煬帝導爲永濟渠一名御河北去縣二百步

金史地理志彰德府湯陰有牢山羨水湯水通漕

明史稿地理志內黃縣北有衛河西有洹水

明史地理志大名府滑縣西北有衛河 七省漕

程安陽河一名洹水源出林縣洹山其水屢伏屢

見流逕安陽縣永和鎮合衛河浙水源出浙川縣

浙水村流逕林縣南與洹水合 方輿紀要衛河

在滑縣西北五十里亦曰永濟渠自濬縣流入境
又東北入內黃縣北界經魏縣入元城縣界亦曰
淇水亦曰清河洹水在縣西其上流曰安陽河自
臨漳縣流逕廣平府成安縣界又東南入縣境經
縣西北永和鎮入於衛河黃澤在縣西北五里舊
時澤廣數里有隄環之曰黃澤隄今堙廢城西北
二十五里又有孟家潭志云其水無源夏潦則稍
河滙於此潭溢入衛河或云卽古黃澤也湯水本

名蕩水唐貞觀初以水微溫改曰蕩水美水出縣西北四十五里之鶴山流經隰城北積而成淵一名隰水浙水在林縣南一名三陽河源出山西澤州陵川縣流入縣境至縣南合於洹水 看河紀程從淇縣北至宜溝驛進湯陰縣蕩水在縣北二里蕩水東與長沙溝合下流河濫難容萬厯初屢潰郡守常公由大陂青冢高城改入衛河歲久復決順治十四年知縣康允叔奉府檄疏河二十里

閱兩月竣工。美水縣北八十里源出西山。又四十里流逕美城北。東至內黃。與防水會。地理志曰：美水至內黃入蕩。今與蕩水別流入衛水。宜師溝縣西南二十五里，卽長河溝也。逕晉鄆故壘北以下伏流至小灘，出經伏道，東北流至枉人山，與蕩水合。淇水在縣西七十里，東流三十餘里入淇縣界。廣潤陂在衛輝府東南四十里。安陽二縣界地勢窪下，蕩河及萬金渠二水注焉，盈則入洹以達於

衛後漳水南下塞洹水故道陂水不能入洹而洹
水反淺於陂陂益廣當夏秋漲溢侵田數千畝民
病之郡守常公覽地形䟽治由葛家莊繫渠導蕩
水至高城河口入衛自枉家橋至楊家莊補築舊
隄以障渠水又自戴家溝䟽濬導陂水入洹於是
二水有歸 河防志滑縣所管衛河自濬縣界泥
灘口起至內黃縣界韓西口止計九里十三步河
寬至十五丈深一丈八九尺不等內黃縣所管衛

河自滑縣界草陂村起至大名界張莊止計九十
二里河寬十四五丈深一丈七八尺不等湯陰縣
所管衛河六段三段在滑縣境內自南而北第一
段長一百八十丈第二段長五百四十丈第三段
長一千八十丈三段在內黃縣境內第一段長一
千丈第二段長二千八百四十丈第三段長一百
七十二丈共計長三十七里二百一十三步湯河
東流至高漢橋永通河自西來注之至內黃縣境

入衛自牟山發源至高漢橋永通合處長六十五里至內黃入衛又五十里安陽河一名洹水善應山下流二十餘里至高平村曰萬金渠其水仍由縣東北五里許合於洹河至內黃縣境入衛共長一百五十三里半

謹案運河以濟東南之漕關係尤重有衛河以爲輸灌始無阻礙左會漳河右納汶水上游則清淇蕩洄諸水佐之其水千渠萬澮交流合注尚有淺

涸之虞從事北河者必加之意焉惟沁水濁而滿
悍與黃河等間嘗泛溢入衛於是築隄置壩以堵
塞之隋紀有開永濟渠引沁水事元明以來屢有
引沁入衛之說通知水道者所不許惟丹河亦然
故爲詳列諸水以見衛河之或當引以資其利或
當禦以杜其害且濬滑內黃本屬直隸大名府今
割入河南彰德衛輝二府土壤毗連利害共之溯
厥源流尤不得而略也

又東北流自內黃縣之萊園村入直隸大名府大名縣西南境之龍王廟又東北流逕小張二莊則有留固溝之水入焉其上流卽硝河也

方輿紀要滑縣東北六十里有硝河老黃河經流處或卽以爲滑河之譌又硝河在清豐縣東南

謹案

縣志云
西南

十八里水流無源盈涸不時兩岸產硝因

名蓋決河之餘波矣天名府志硝河由滑縣正

北界其一逕開州馬駕河

謹案卽馬
頰河之譌

東北注戚城

半東滙爲趙村陂所浸沒者地七八百頃而西引

王家潭口復會於白倉之北半夾城逕白倉北

合趙村陂而來還者會於傅家河謹案卽傅家潭北注岳

儒固謹案在南樂縣以達東館或北注大名入衛謹案以

乃漕淵陂分八馬類門之一支別見其一由石村潞內黃東北逕太

巖屯橫腰大名縣南界又東北注三角潭而十之

三自飲牛口注衛十之七自梅家口注衛間水溢

稍河北注勢不能直則一由石村分注開州火燒

店逕清豐之秦村而會於岳儒固一由內黃城東

近南樂西近德固復注之

謹案今碛河不與岳儒固通流惟有溝道在南

樂縣說俗曰永濟渠

二流者若襟帶而交內黃清豐南樂之

界者也諸水春冬消耗秋夏則溢碛河又泄鹵下

墊凡所經流率數歲不復芻收計南北縱百六七

十里衡十數里少者二三里長老或言鑿開州之

南隄䟽衛南陂之水東北合澶淵東注之以入於

張秋

謹案此卽今柳青河所行之道

而朱龍以下特令其受清豐

南樂本境之水而已鑿硝河東西二支一則由內黃入大名之梅家口一則由開州之戚城寨趙村陂傅家口之東折者而入於岳儒固逕東館大者廣一十丈小者減三之一而旁鑿以隄阻少左右分疏田間水道而穿埧於隄之下以洩隄所阻捍之處 大名縣志硝河一由滑縣北一由內黃縣東北萬歷二十九年知縣江騰蛟會同南樂卽舊河身小加挑濬水直東下令居民率佃治其間河

身漸爲平陸矣 一新大名府志永豐渠康熙三十
九年間因每歲夏秋漲水無歸常爲田禾害內黃
知縣錢珏上自碯河接流逕境內次范諸村繞城
東北流逕小店達清豐之興旺莊逕灘上南留固
達大名縣之軍寨北留固入衛河迨後衛河身漸
淤高與隄內地勢相等乾隆二十二年二十四年
衛水倒漾大名之北留固軍寨及清豐之南留固
灘上西陽郭諸村皆被水

謹案碯河在開州西北三十里自河南滑縣南新莊流入境北流逕柴桑清流店化村入河南內黃縣境又北自內黃縣馬里集小店橋入東明縣西北境由吳臨莊逕南留固入大名縣西南境之北留固爲留固溝長六里九分入於衛河卅河屈曲出入河南直隸之界考舊志所記碯河水道全不與近時同或當時本通馬頰漫流於市西境內今則惟西一支不復有東支矣留固溝亦名永豐渠

在大名縣衛河東岸北留固村卽硝河之下流非
別有一水也

東流西轉折而北流又東流南轉折而西流凡二十
餘里其形若環又折而東北流逕西長興東長興則
有長興溝之水入焉又東北流逕東樓底西樓底則
有樓底溝之水入焉又東北流逕南亘疇白水灣又

折而東流逕舊大名縣城南之五里舖

羅案大名縣在府城東南

十里乾隆二十一年因漳水泛魏縣城并及大名縣
經直隸總督方觀承奏請廢魏縣而移大名縣治於

晉書卷之八

府城內
爲首屬

謹案長興溝在樓底溝西六里樓底溝在大名縣西南三十里俱衛河西岸東南流入衛河白水灣亦在大名縣西南見方輿紀要今大名府治西南十五六里尚有白水潭村逼近衛河西岸林樹交蔭中多菱荇爲近郊之勝蓋卽屯氏河之餘浸也又東折而東南流逕岔河口則有岔河溝之水入焉謹案岔河溝首起南樂縣西北三十里之崇疇東

南行入大名縣境又東南行十里逕岔河口入於衛河

南流東轉又折而北流逕花二莊入元城縣西境之大小王莊

河防志大名縣所管衛河自內黃縣界張兒莊起至元城縣接界曹家道口止計長九十六里河寬至十六七丈深至二丈三四尺不等

又東北流逕胡家莊爲胡家灣其東岸入山東冠縣

水經注卷之二十一
漳水
漳水又東北流逕房家莊又東北折而西流又南流西轉而東北流八十六里逕橫隄村又東北逕大小常家莊其西岸則有廣福溝之水入焉又東北流則有漳河溝之水自西入焉

謹案漳河溝卽三里引河在大名縣境首起大名府治西南一十里本漳河故道也東北流逕舊大名縣城西北隅又東流逕大名府城東又東北逕舊大名府治西又東北逕王家莊何家莊入於衛

河並見漳水篇

又東北逕善樂營其西岸則有漳河故道行善溝之
支流入焉

謹案衛河自三里引河東北二里許逕善樂營左
合行善溝之水溝首起大名縣馬豐頭亦漳水漫
溢之斷瀆也東南逕行善村故以地名凡四十餘
里屈而東北流二十四里至元城縣西北又東北
流三十里與南枝溝合

自馬豐頭逕行善村德政
村高兒寨及元城縣之巾

家橋南馬頭西馬頭鄭兒莊馬兒寨至道
兒莊南枝溝之水於三岔河口與之合 溝上承

漳水於河南臨漳縣酈家莊今淤塞不與漳通東

南至大名縣之仕望集

本山酈家莊賀兒寨李家岡及大名縣之中三家行

善村入南漳河今行善村淤塞即南趨六座樓李大磨至仕望集

分爲二至李家

口

左水經紅廟村岸上村李家口右水經南仕望西江莊蔡小莊四劉屯王村亦至李家口合流

其李家口南所分岔枝直趨南栢村築壩後至今斷流城濠乾隆二十三年於南栢村築壩後至今斷流

合而東北流八里許復分至北拐村而合

左水經大屯村

至北拐村右水經大屯前亦至北拐村

東流至元城縣萬家隄遠於

三岔河口與行善溝合東北逕齊固村而東北入於衛河

又東北流入山東東昌府館陶縣境與漳河合流至臨清州與汶水會又東北入於運

永經注白溝又東北逕羅勒城東又東北漳水注

之謂之利漕口

謹案漳水篇云魏太祖鑿渠引漳水東入清河以通河漕名曰利漕

渠是也今湮廢不可考

下自清漳白溝淇河咸得通稱也

元史河渠志御河自大名路魏縣界經元城縣泉

源鄉於村渡南北約十里東北流至包家渡下接

館陶縣界 方輿紀要御河在大名府城南亦曰

通濟渠一名永濟渠

謹案永濟非卽通濟辨見前

卽隋大業中

所開淇衛諸水之下流也東北流逕小灘鎮又東

北入館陶縣界合於新漳水亦名白溝水對北白

溝而言謂之南白溝 二統志衛河又東北逕元

城縣東又東北入山東館陶縣界舊志元時衛河

猶在府北明正德中始出府南經冢口又東北

經小灘鎮入館陶縣界嘉靖三十六年漳水自魏縣南回龍鎮入衛河遂捨艾家口改經大名縣南東北流至小灘鎮西南岔道村始入舊河萬厯十六年漳水還北衛河故道遂爲漳水所奪 看河紀程繞大名府東門外東北行三十里至小灘鎮過衛河出鎮北門東北行數里淤沙一道寬五六里又二十里到東昌府冠縣從冠縣南門少西行五十里至館陶縣又東北行三十五里至孫兒寨

東北行二十里過衛河河甚灣曲至東南復西北
穿臨清州城入運河〔河防志〕元城縣所管衛河
自大名縣接界趙家站起至館陶縣接界善樂營
止計長七十三里河寬十五丈深二丈一二尺
不等館陶縣所管衛河自元城縣接界遷隄鋪起
至臨清州界尖塚集止計一百二十里河寬十六
七丈深二丈三四尺不等漳水自北來入焉〔北
河續記〕河自衛輝來者歷館陶至臨清與會通合

流而北其鋪十二曰灘石曰窩兒頭曰遷隄曰秤
釣灣曰小馬頭曰南館陶曰安靖曰黃花臺曰李
家曰馬頭曰馬欄廠曰尖冢

謹案明會典衛河東北流會淇漳諸水過臨漳分
爲二其一北經大名至武邑以入滹沱其一東流
逕大名東北出臨清至直沽會白河入海長二千
餘里今爲運河居濟一得仍之非也考衛河惟有
東北出臨清一河武邑入滹沱者乃滏陽河所謂

漳沚漚流者是亦卽老漳河所行之道而今則否
若云臨漳所分之二河則又是今日南北漳河分
流於魏縣城下入於大名不得至武邑以入於漳
沱明英宗實錄宣德十年九月僭運糧儲會議合
行事官一彰德河往時東入衛河至臨清與運河
會今北流入漳沱而衛河亦淺宜障而東之彰德
河乃是滏水入漳流經彰德府卽地以名水也一
時漲徒入衛觀實錄所紀仍下臨清入運後來漳

由館陶入衛淦水獨自北行至武邑入滹沱明會
典乃據之以爲衛分二支河歟